

JUT

Pepa Jut ñgere panzi kalo-tawana tamâta

Jut nde Yesu tai tonge (Matai 13:55, Malaka 6:3), aku ñgere ñgua ñine panzi kalo-tawana tamâta ñgu pinde. Jut isama tu kinzi pananâña tamâta lañeña pinde nde sikai wurâta kaika ñana siyaula kinzi tamâta nenzi kalo-tawana, kala ñgere ñgua kaika ileleanzi tamâta ñinde. Kinzi lañeña tamâta ñinde uru siveta mâsi sakamao, ku sipanananzi kalo-tawana tamâta ñana soka mulinzi. Jut itula pwataki tu Maro Kindeni ne wisi-nâna ikeno panzi tamâta ñinde, aku muli ñga kinzi ma sikai pareña-nia sakamao.

¹ Naña Jut, naña nde Yesu Kirisi ne wurâta tamâta, aku Yamesi tai kala nañani. Naña angere ñgua lâ pepa ñine tini imâ pa miki tamâta ñinde Maro Kindeni muñgani isarawami lâ. Kinda Tamânda Maro Kindeni ilo ndo keno pami, aku Yesu Kirisi tamwata uru ikatona miki sondo ndo.

² Maro Kindeni ne kalo-sukâña wa wisi-pisi wa tini-mwasa wa ipânga ñalae lâ ilomi kalomi.

Pâri ara ne kazâña tamâta nde simâ sipânga lâ kinzi kalo-tawana tamâta ñgu ñgininzi

³ Ningu-nambwe wukale, nia ndoyo naña ilonngu pateo tu ma angere ñgua lâ pepa tini ñana kinda rârâni nenda kalo-tawana kâ. Aku naña aluku lâ ñana angere ñgua ñinde lâ pepa

tini ku ao imâ pami. Andeta kala ñine naña ilonġu patea tu naña ma aņgere ñgua kaña tonġe lâ pepa tini imâ walele nâ pami. Naña ilonġu tu apu tini kaika pami, ñana miki ma kamandi kaika ñana katiņgi pâri ara ne kazâña tamâta nenzi ñgua kâ. Singani, Maro Kindeni kalo-tawana ndainani nâ ilua i ne tamâta kinda. Aku tamâta tonġe ikura ñana ilele kalo-tawana ñinde ipâņga kie tonġe, ande tia.

⁴ Tamâta pinde nde sipavea nâ ku sipâņga simo lâ kalo-tawana tamâta ñgu ñgininzi. Nia ndoyo, Maro Kindeni ipa ñgua tu i ma ipare nia panzi tamâta sakamao ñinde. Kinzi uru silele ñgua ñana Maro Kindeni ne wisi-wisi kâ ipâņga kie tonġe, ñinenġa siporo ñgua lanġa tu Maro Kindeni isâu panzi ñana sipalulua tininzi potomule kâ. Kinzi tamâta ñinde sipu mulinzi pa nenda Maro Ñalae Yesu Kirisi, ina simbo nâ imo koipu ñalae.

⁵ Muņgani Maro Ñalae iyautenzi Isrel ñgu piti lâ Isip tâno, aku ivetanzi simo ara nâ. Andeta muli ñga, ande izavarunzi Isrel tamâta ñinde kalonzi tawana i tia. Miki kasama ñinde lâ, andeta naña atu apaņo ilomi kalomi tu miki ma kalomi ñgere kilo ñana mâsi ñinde kâ.

⁶ Aku ara ñana miki ma kalomi ñgere ñananzi aņelo tona, kinzi ñinde muņga silaņa sipole Maro Kindeni ne tukuņa ku sipile nianzi. Ñana nenzi vetâña ñinde kâ, ande Maro Kindeni ipanzi lâ wâlo kaika ku ionzi silâ mbââ ilo. Kinzi ma simo mine lâ nia kondoma ñaņa ndo ku simo nâ. Kinzi nde sindamwa Maro Kindeni ne zo ñalae, aku lâ zo ñinde i ma ipare nia sondo

panzi.

⁷ Aku ara nana miki ma kalomi ngere nananzi tamâta munga simo lâ Sodom lawea wa Gomora lawea wa lawea pinde keno nia ninde tona. Tamâta ninde uru siveta mâsi potomule kie taituni, itogo kinzi aņelo sakamao ninde munga siveta mine. Kinzi sipaveta kuku mâsi sakamao ndo, aku sipalulua warakanzi tininzi potomule ndo. Opopo, kinzi tamâne sipalulua tininzi kunzi tamâne! Mine kala Maro Kindeni isupwa yââ kaika nana izavarunzi kâ, aku mâsi ninde itula pwataki tu kinzi tamâta mine ma muli simo yââ nalaе ne mbââ ilo ikura zo rârâni. Maro Kindeni ilo tu kinda ma kalonda ngere nana vetâņa ninde rârâni, aku tanņenge nana mâsi potomule ninde.

⁸ Andeta kala nine tamâta pinde simâ sipâņa lâ, kala simo lâ kalo-tawana tamâta ngu ngininzi. Kinzi tamâta ninde uru sipaveta kuku vetâņa sakamao ndainani nâ. Kinzi nenzi mbupuleņa kie-kie uru ipaņo ilonzi kalonzi, kala sitambira karaenzi ilâ tu siveta mâsi sakamao ndo, aku ninde iveta muso nalaе panzi. Kinzi tininzi pwâka tu Maro Kindeni ma ikai maro panzi, aku siporo nģua pavaligiņa panzi samba ne aņelo.

⁹ Taitu kinzi aņelo uru siporo nģua soki mine ilâ pa nenzi kazâņa tamâta, ande tia. Munģani, lâ zo ninde aņelo nenzi koipu Maikel ipawa nģua kuku Sadana nana Mose karae kâ tu ma ea ikai, ande Maikel imeģe nâ. Mine kala i nandai isowe nģua soki tonģe lâ Sadana tini nģa. Iporo mine tu, “Maro Nalaе ma ipare nia pa noko!”.

¹⁰ Anḡa tamâta nḡinde uru siporo nḡgua soki ilâ pa kelekele ndia rârâni sizizâla nḡana nḡinde. Kinzi sipânḡa sitogonzi nḡgoa nḡgoi mine, nenzi ilo-kalo tia ndo. Mine kala kinzi uru siveta vetâḡa ndia warakanzi ilonzi papa nḡinde. Aku nenzi vetâḡa nḡinde ma izavaru warakanzi ndo lâ.

¹¹ Opopo, mâsi sakamao ndo ma ipânḡa panzi tamâta nḡinde! Kinzi sipaveta kuku Adam natu Kein ne vetâḡa. Kinzi ilonzi tu sikai mbaliḡa nâ. Mine kala sitambira warakanzi silâ nḡana siveta vetâḡa potomule nḡinde nḡgua-tulâḡa tamâta laḡeḡa Balam muḡḡa iveta. Aku kinzi taḡanzi kaika pa Maro Kindeni, itogo Kora muḡḡa taḡa kaika mine. Nḡana nenzi vetâḡa nḡinde kâ, ande Maro Kindeni ma izavarunzi ndo lâ.

¹² Lâ zo nḡana miki kalo-tawana tamâta kapasau kamâ taitu nḡana kaka kâḡa-nuḡa kâ, ande kinzi tamâta sakamao nḡinde uru sika kumi, aku nḡinde iyaula nemi kâḡa-nuḡa nḡinde. Kinzi mainzi tia ndo, kala uru sika wa sinu ḡalae tina. Kinzi ilonzi keno pa warakanzi nâ. Tamâta nḡinde sitogo take-take iyoka kaa nâ, karâzi tia, aku lawea itapala ilâ wa imâ wa. Aku kinzi sitogo kâi tonḡe, i ne zo nḡana ipula kanaḡo kâ ipânḡa lâ, andeta ipula kanaḡo tonḡe tia, kala itogo kâi nḡinde imâte lâ. Kâi mine ma duvi mburuḡa kâki lâ, kala ma imâte ndo lâ.

¹³ Tamâta nḡinde uru siveta vetâḡa potomule kie-kie lâ tamâta naonzi. Mine kala kinzi sitogo tâi isuka kâki imbware ku iḡele toa, aku nenzi vetâḡa potomule nḡinde ipânḡa nia yo, itogo tâi imbwa ku ne maka ipânḡa tâi kulu mine. Aku

kinzi simo sitogonzi pitu pinde lâ samba tini uru sikai nenzi nzâla sondo tia. Mine kala Maro Kindeni ipatea nia kondoma njanja ndo panzi, njana ma silâ simo nia njinde ku simo nâ.

¹⁴ Munjani, njgua-tulânja tamâta Enoko, ina ipânja lâ Adam ne vâsa njgu, ande itula njgua pwataki njana vetânja njine ma muli ipânja panzi tamâta sakamao njinde kâ. Iporo mine tu, “Maro Njalae ma iyoka tavanzi ne anjelo kambwanjenzi njalae tina simâ.

¹⁵ Maro Njalae ma imâ njana ionzi tamâta rârâni silâ pa i ne njgua nia, njana ma ipare nia panzi kâ. I ma ipare nia panzi tamâta rârâni njinde munja sipu mulinzi papa i, njana vetânja soki rârâni siveta njinde. Aku i ma ipare nia mine nâ panzi kiesaka tamwatanzi njana njgua pavaliginja rârâni munja siporo papa i.” Enoko itula njgua mine.

¹⁶ Tamâta njinde uru wisinzi nâna njana vetânja ndia ipânja panzi, aku siporo njgua soki-soki njananzi tamâta rârâni. Kinzi sipaveta kuku vetânja potomule ndia ilonzi papa njinde. Kinzi kawanzi kâki sipandekâna warakanzi nâ, aku situ njgua mâru-mâru panzi tamâta njana sitapa nenzi mbalinja sanjenzi.

Ara njana kinda nenda kalo-tawana ma ikeno kaika nâ

¹⁷ Njngu-nambwe wukale, ara njana miki ma kalomi njgere kilo njana njgua rârâni nenda Maro Njalae Yesu Kirisi ne pâri-tamâta munja situla pami njinde.

¹⁸ Kinzi sipaimi tu, “Muli nga, lâ zo nana tâno ne zo laiti nana marumbu kê, ande tamâta pinde ma simâ sipângga, ku ma siporo ngua pavaligiña pami. Kinzi ma tananzi kaika pa Maro Kindeni, ku ma sipaveta kuku vetâña potomule ndia warakanzi ilonzi papa ninde.”

¹⁹ Tamâta ninde uru sipu kinzi kalo-tawana tamâta ngu simo pwapwataki. Kinzi nenzi ilo-kalo potomule nâ ikai poe kaika pa nenzi vetâña, aku Koroani Sapâña nandai imo ilonzi nga.

²⁰ Annga miki, ninngu-nambwe wukale, ara nana nemi kalo-tawana ma ipângga kaika ndo lâ ilomi kalomi. Miki nemi kalo-tawana ninde nde imo sapâña lâ Maro Kindeni nao. Aku lâ zo ndia miki kakai nonja, ande ara nana Koroani Sapâña ne walo ma ikai poe pa nemi nonja ninde.

²¹ Maro Kindeni ilo ndo keno pami. Mine kala miki ma kapatâpa warakami piti lâ i ne tini-mwasa ninde ilo ndimo. Aku muli nga nenda Maro Njalae Yesu Kirisi, ina kalo-sukâña warika, ma via mao ilami, ma kamo ara mine ku kamo nâ. Ara nana miki ma kamo kao tinimi nâ nana zo ninde i ma iveta mine pami.

²² Tamâta pinde nenzi kalo-tawana ikeno kaika tia. Ara nana miki ma kalomi sukâña nanzani tamâta ninde.

²³ Annga tamâta pinde, ande itogo kinzi simo yââ njalae ne mela-mela tini laiti. Ara nana miki ma walele nâ kakainzi piti kilo ku katula nzâla ara panzi. Annga tamâta pinde nde sipaveta kuku ilo-kalo sakamao ne vetâña muso. Ara nana miki ma kalomi sukâña nanzani tamâta ninde tona. Andeta kapakatona sonde, aku kamo malawae

ndo nana nenzi vetâña potomule ninde kâ. Tia ma vetâña ninde iveta muso ipânga lâ miki ilomi kalomi tona.

Kinda ma tapanea Maro Kindeni tasuka i nã kâki

²⁴ Maro Kindeni ikura tu ikatona miki sondo nã, nana nemi kalo-tawana ma imbe tia kâ. Ikura tu ikaimi kalâ tava ilomi mbâra-mbâra ndo kamandi i tamwata nao, aku miki ma kamo tava ndekâña nãlae tina.

²⁵ Ara nana kinda ma tapanea nenda Maro Kindeni, ina kala nenda Yautâña Tamwata taituni. Nana nenda Maro Nãlae Yesu Kirisi ne ara kâ, ande kinda takura tu tapanea Maro Kindeni tasuka i nã kâki, nana tu i nde nenda koipu nãlae. Ina Walo Tamwata, aku ikura tu iveta vetâña rârâni. I imo ikai maro pa kelekele rârâni. Nia ndoyo, lâ zo ninde i nandai ipulia tâno ipânga nã, ande i imo mine, kala zo nãne uru imo mine nã, aku i ma imo mine ikura zo muli-muli ku imo nã. Mao.

MARO KINDENI KAWA NGUA
The New Testament and Psalms in the Sio Language
of Papua New Guinea
Nupela Testamen long tokples Sio long Niugini

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

PDF generated using Haiola and XeLaTeX on 28 Dec 2024 from source files dated 31 Aug 2023

b3b81168-89df-5bc3-8b0c-cf72ef93d3de